

新修
增补
大藏经

图书在版编目(CIP)数据

新修增补大藏经 / 《新修增补大藏经》编委会编.
—北京:中国民艺出版社, 2005.7
ISBN 7-8862-1016-6
I. 新… II. 新… III. 大藏经-佛经
IV. B941

新修增补大藏经·中观部

作 者:《新修增补大藏经》编委会
排版设计:太平盛世(北京)科技有限公司

出版发行:中国民艺出版社
社 址:北京市中关村 123 号
邮政编码:100086

印 刷:北京通成印刷厂
开 本:880×1230mm 1/32
总 印 张:428 字数:4 000 千字
版 次:2005 年 7 月第一版
2005 年 7 月第一次印刷
印 数:1-500 册
书 号:ISBN 7-8862-1016-6/D.221
总 定 价:12142.00 本册定价:26.00

《新修增补大藏经》

编 委 会

主 编：释成功

副主编：卢炳瑞 周梦兴 李书娜

编 委：丁问道 于有涛 罗 文

高大威 陈秀玲 杨明仁

周天华 李 芹 胡 枚

邹家文 谢大军 谢光平



佛说法变相图

诸 宗 部

目 录

密庵禅师语录(二).....	1
◎常州褒忠显报华藏禅寺语录	1
◎临安府径山兴圣万寿禅寺语录	7
◎临安府景德灵隐禅寺语录	16
◎明州太白名山天童景德禅寺语录	23
◎密庵和尚小参	25
普说	30
示道禅人	40
示光禅人	40
示觉禅人	41
示应禅人	41
示白云然長老	42
示哲玟二禅人干帐	43
示源监寺	43
示殊禅人	44
示中侍者	45
答卜运属	46
示辉禅人	46
示临禅人	47
示觉禅人	47
示真隐朱居士	48
为南上座下火	49
为隆浴主入塔	49
塔铭	49
虚堂和尚语录	51
虚堂和尚语录卷第一	51

诸山劝请疏.....	51
嘉兴府报恩光孝禅寺语录.....	55
◎庆元府显孝禅寺开山语录.....	64
◎庆元府瑞岩开善禅寺语录.....	67
◎庆元府万松山延福禅寺语录.....	70
◎虚堂和尚语录卷之一.....	74
◎虚堂和尚语录卷之二.....	99
虚堂和尚语录卷第三.....	99
◎柏岩慧照禅寺语录.....	109
◎临安府净慈报恩光孝禅寺语录.....	110
◎虚堂和尚语录卷之三.....	118
示妙源侍者病.....	119
示无隐侍者.....	120
示如足首座.....	120
示梓文禅人.....	120
示无波李新恩.....	121
示日本国心禅人.....	122
示行者智潮.....	122
序跋.....	123
◎双林夏前告香普说.....	124
◎灵隐立僧普说.....	128
立僧纳牌普说.....	132
◎虚堂和尚语录卷之四.....	137
◎虚堂和尚语录卷第五.....	150
代别.....	150
佛事.....	174
◎虚堂和尚语录卷之六.....	176
偈颂.....	176

◎虚堂和尚语录卷之七.....	195
虚堂和尚续辑	195
◎临安府净慈报恩光孝禅寺后录.....	203
◎虚堂和尚语录卷之八.....	213
参学正一净喜尚贤编.....	213
◎虚堂和尚语录卷之九.....	238
偈颂	238
佛事	240
秉炬	242
法语	244
示权净侍收.....	250
◎虚堂和尚语录卷之十(终).....	250
行状	250

密庵禅师语录(二)

参学小师崇岳了悟等编

◎常州褒忠显报华藏禅寺语录

师在和州褒禅受请。拈帖云。三回两度推不去。今日依前把不住。不是时节因缘。亦非人情之故。既然如是。因什么撞头磕脑。不见道。顺是菩提

上堂。方脱钟山阶级难。却来遮里养残躯。那知踪迹难遮掩。又见驱驰走使符。使符既至。回避无门。按下云头。和泥合水。便见全宾是主。全主是宾。宾主交参。通同和气。且应时纳佑一句。作么生道。喝一喝云。剑为不平离宝匣。药因救病出金瓶

入方丈据座云。狮子教儿迷子诀。拟前跳掷早翻身。罗纹结角交锋处。鹞眼临时失却踪。古人与么道。也是徐六担片板

上堂。僧问。钟山顶上雷声震。华藏海中浪拍天。洗脚上船乘快便。遮回赢得日高眠。如何是到家一句。师云。坐立俨然。进云。流水下山非有意。白云归洞本无心。师云。尔也乱走作么。进云。被和尚捉败。师云札

师乃云。昔日文殊大士。三处度夏。一月长者家。一月魔宫。一月淫坊。末后却归世尊会中解制。迦叶欲白槌搯出。才举念。见无量世尊。无量迦叶。无量文殊。世尊云。汝欲搯那个文殊。迦叶尽其神力。槌不能举。后来尊宿拈云。好一槌却又放过。甘作小乘人。师云。尊宿与么。也是盲人摸象。杰上座今夏。蒋山结夏。褒禅破夏。华藏终夏。且道。与文殊是同

是别。若道是同。许他具一只眼。若道是别。也许他具一只眼。忽有个不受人瞒底。出来道。长老也好混。只向他道。混中。有个分晓处。急须听取。三处移场定是非。顽心全不改毫厘。胡言汉语凭谁会。铁额铜头也皱眉

次日为太师循忠烈王升座。僧问。大贤化德今犹在。攀感之心动四维。林下道人何以报。聊将无孔笛横吹。师云。知音知后更谁知。进云。知音一句则不问。无孔笛作么生吹。师竖起拂子云。还闻么。进云。五天吹不起。汉地和难齐。师云。又被风吹别调中。进云。只如太师循王。今日深领和尚法音。未审超何地位。师云。泥多佛大。进云。还许学人借水献花也无。师云。又且何妨。进云。亡过无疑登九品。见存此去列三台。师云。只消遮一句。僧礼拜。师乃云。心生种种法生。心灭种种法灭。心法两忘。如挝涂毒鼓。闻者皆丧。又如大火聚。近之则燎却面门。悟之者。立地成佛。迷之者。永劫轮回。所以诸佛所说。唯说此心。祖师所传。唯传此法。灵山会上。五百比丘得之。自悟本心。如梦如幻。于梦幻中。不见有我人众生。广额屠儿得之。挑下屠刀叉手云。我是千佛一数。大集会中。大力魔王得之。便道。我待一切众生成佛净尽。众生界空。无有众生名字。我乃发菩提心。岂不是大丈夫。能为大丈夫事。于过量尘沙劫。作过量殊胜佛事。山僧今日。以如是心。说如是法。普请大地众生。有情无情。同入清净大解脱门。与太师循忠烈王。为不请友。同一眼见。同一耳闻。同一受用。作广大殊胜利益。不可思议。且凭个什么道理。便能如是。利剑拂开天地静。霜刃才举斗牛寒。复举世尊因地。布发掩泥。献花于燃灯如来。燃灯见布发处。遂约退众。乃指其地云。此一方地。宜建梵刹。众中有一贤于长者。持标插于指处云。建梵刹已竟。时诸天散花赞言。庶子有大智矣。师云。大众。燃灯指处。滴水冰生。贤于插时。天回地转。于斯见得。古释迦不先。

今太师不后。其或未然。更听重下注脚。莫除荆棘建伽蓝。七佛常来此处参。地久天长功不坠。天花时复雨穆穆

应庵和尚忌日上堂。利剑斩虚空。万象鸣曝曝。年年向斯辰。令人倍发恶。古者道。子不谈父德。虽然。家丑也要外扬。遮老和尚平生事。过头底九百。白云。着草鞋住院。何苦如蜿蜒恋窟。美则美矣。带累不肖子孙。依模脱出。赞叹者。从他赞上非非想天。毁谤者。谤到空轮水际。众中莫有毁誉不动底么。出来与华萨相见。有么有么。良久。掷下拄杖。高声云。侍者收取拄杖

上堂。一叶落天下秋。风高云淡。水碧空浮。达磨不会接手句。少林空坐冷啾啾。叵耐云门垛根汉。复于头上更安头。记得僧问云门。达磨九年面壁。意旨如何。门云念七。师喝云。果然只在遮里。良久复云。勘破了也

解夏上堂。十五日已前。无绳自缚。十五日已后。脚瘦草鞋宽。正当十五日。天无私盖。地无私载。风不鸣条。雨不破块。大家抚掌乐升平。一任东倒及西搯。喝一喝。下座

上堂。举云门在岭中时。僧问。如何是法身上事。门云。向上与尔道也不难。且道如何是法身。僧云。请和尚鉴。门云。鉴即且置。作么生说法身。僧云。恁么恁么。门云。此是长连床上学得底。我且问尔。法身还解吃饭也无。僧无语。后有僧举似梁家庵主。主云。云门直得入泥入水。资福云。欠一粒不得。剩一粒不得。师云。云门浑刚打就。生铁铸成。不动钳锤。火星迸散。梁家庵主。冷处着把火。义出丰年。资福闹处爱入头。傍观者晒。华藏据款结案。也要诸方检点。若也检点得出。生陷无间地狱

上堂。举僧问赵州。如何是毗卢顶相。州云。老僧自小出家。不曾眼花。应庵和尚拈云。大小赵州语上偏枯。若有问天童如何是毗卢顶相。只对他道。大底大小底小。师云。若向赵

州语下见得。坐杀天下衲僧。若向天童语下见得。走杀天下衲僧。忽有问华藏如何是毗卢顶相。只对他道。碌砖

上堂。秋江清浅时。白鹭和烟岛。良哉观世音。全身入荒草。且出草一句。作么生道。寰中天子敕。草舍家风别

上堂。举僧问岩头。路逢猛虎时如何。头云拶。师云。岩头具杀人不眨眼底手段。被遮僧一问。却向射垛后躲避。若也检点得出。虽是善因。而招恶果

上堂。牛头横说竖说。不知有向上关楸子。有般漆桶辈。东西不辨。南北不分。便问如何是向上关楸子。何异开眼尿床。华藏有一转语。不在向上向下。千手大悲摸索不着。多时雨寒无处晒眼。今日普请。布施大众。良久云。达磨大师。无当门齿

上堂。默时说。说时默。寒山逢拾得。拈个秃扫帚。东扫西扫。忽然撞着丰干禅师骑虎出来。放下苕帚。把手呵呵大笑。恰似贩私盐底草贼。有什么共语处。复召大众云。且道。他笑个什么。良久云。东君行正令。花发树南枝。喝一喝

上堂。拨转天关。掀翻地轴。冰凌上走马。剑刃上翻身。未是衲僧行履处。万年一念。一念万年。罗笼不肯住。呼唤不回头。亦未是衲僧行履处。透脱两重窠臼。别有生机一路。向百草头上。罢却干戈。山僧甘心。生陷无间地狱。是汝诸人。还自捡责么。喝一喝云。漆桶参堂去

上堂。今朝正月半。普请大家看。过去灯明如来。在汝诸人脚跟下。放光动地。还见么。若也见得。神头鬼面里。元来有人在。若见不得。切忌撞墙撞壁。复举明招到招庆。有度上座问。罗山寻常道。诸方尽是糗饭。惟有罗山是白饭。上座从罗山来。却展手云。白饭请些子。招打两掌。度云。将谓是白饭。元来只是糗饭。招云。痴人棒打不死。度至夜间。举似诸禅客次。招近前云不审。度云。今日便是这个上座下两掌。有

琰上座云。不用下掌。就里许作么生道。招云。就里许也道道。琰无对。招云。是尔诸人。一时缚作一束。倒卓向尿阇下。来日相见珍重。师云。寻常向诸人道。终日在洪波浩渺中。舀水相泼。浑身无一点湿。是他明招蹈着遮些子。自然用出闲闲地。惜乎锋头少锐。引得许多葛藤。若是华藏。见他道将谓是白饭。元来只是糗饭。连腮更与两掌。且教遮汉疑三十年

上堂。二由一有。一亦莫守。一念不生。扬生。左肘。达磨大师。九年面壁觑不破。黄面老子。三百余会道不着。德山临济咬定牙关。一场懡㦬。华藏到个里如何道之接手句。风暖鸟声碎。日高花影重

上堂。举同安察和尚问僧。甚么处来。僧云。五台来。察云。还见文殊么。僧展两手。察云。展手颇多。文殊谁睹。僧云。气急杀人。察云。不睹云中雁。焉知沙塞寒。僧云。远趋丈室。乞师一言。察云。孙宾门下。徒话钻龟。僧云。名不浪施。察云。吃茶去。僧便珍重。察云。虽得一场荣。刖却一双足。师云。拳来拳应。踢来踢应。拳踢交参。孰负孰胜。摇头摆尾过牢关。刖足之言谁肯信。虽然。有一处请讠在。诸人试捡点看

上堂。僧问。杨岐问慈明。幽鸟语喃喃。辞云入乱峰时如何。明云。我行荒草里。汝又入深村。意旨如何。师云。天共白云晓。水和明月流。进云。应庵道。两个漆桶。失却鼻孔。又作么生。师云。要且扶临济不起。进云。适来和尚恁么道。还扶得也无。师云。老僧更是不奈何。进云。应庵只知他人失却鼻孔。不知自家落尽眉毛。师云。那里是他落尽眉毛处。进云。特地一场愁。师便喝。进云。若非父子至亲。争得赤心片片。师云。上座又错会了。进云。杨岐道。官不容针。更借一问。慈明便喝。又作么生。师云。总是漆桶见解。进云。杨岐云好喝。慈明又喝。杨岐亦喝。慈明连喝两喝。杨岐便礼拜。

又作么生。师云。三生六十劫。僧礼拜。师乃云。一槌便成。方木逗圆孔。不假一槌。填沟塞壑少人知。若也脚踏实地。南州打到北州头。愈见金声玉振。若也半前半后。东土移来西土看。对面隔千山。华藏口似乞儿破席袋。和底一时翻了也。若也会得。干三连坤六段。若也不会。切忌地盈虚

灵隐佛海禅师遗书至上堂。僧问。昨夜春风偶发恶。掀倒飞来峰倒卓。嘉州大象吃一拳。陕府铁牛掀折角。正与么时。佛海禅师迁化。向什么处去。师云。大众证明。进云。恁么则烦恼海中为雨露。无明山下起云雷。师云。川僧得与么_菰苴。师乃云。呼猿洞口。虚空迸裂。鸦飞不度。如行如说。三十三天扑帝钟。打刀须是邠州铁。喝一喝。下座

上堂。蓦拈拄杖。卓一下云。上来讲赞。无限胜因。拄杖子。平地踴跳。撞倒灯笼露柱。惊起太湖龙王。恶发把须弥山一捆。直得。海晏河清。风恬浪静。狸奴白牯。递相赞言。善哉善哉。风以时雨以时。今年蚕麦熟。五谷登。东村王大嫂家。夜来失却一头水牯牛。浑家大小。寻讨不见肚里热闷。小女阿八从后门出。长声歌曰。寻牛须访迹。学道访无心。迹在牛还在。无心道易寻。山僧闻得呵呵大笑。且道笑个什么。喝一喝云。三十年后

圣节上堂。灵机廓彻。妙协无私。智鉴洞明。通途绝迹。一切处现吉祥事。不昧见闻觉知。亘尘沙劫坚密身。突出行住坐卧。天上天下歌有道。五湖四海乐无为。林下道人。将何报德。多子塔前消息在。一回拈出一回新

上堂。释迦不说说。拗曲作直。迦叶不闻闻。望空启告。马祖即心即佛。挂羊头卖狗肉。赵州勘庵主。贵买贱卖。分文不直。且如文殊是七佛之师。因什么出女子定不得。河天月晕鱼分子。橈叶风微鹿养茸

上堂。经行及坐卧。常在于其中。做牛便要拖犁拽把。做

马便乃衔铁负鞍。为人原始要终。不求诸圣。不重已灵。或则三条椽下。或则闹市门头。成佛作祖。披毛戴角。上天堂入地狱。担铁枷吃铁棒。总不为分外。百千年后。筑着髻头。拳踢相应。鼻孔辽天。也怪山僧不得。何故。贼无种相鼓笼

上堂。举僧问云门。死向什么处去。云门对他道。在什么处。师云。云门秉杀人刀活人剑。点检将来。要且不知去处。忽有问华藏死向什么处去。只向他道。熏风自南来。殿阁生微凉

请典座上堂。举夹山在汾山充典座。汾山一日问。今日堂中吃甚菜。座云。两年同一春。山云。如法修事着。座云。龙宿凤巢。师云。柄霸在手。纵夺临时。敲磕将来。百味具足。其中只欠一味。且道。是油是酱。若点检得出。华藏功不浪施。其或未然。更听重下注脚。辅弼宗门有老成。一番提掇一番新。咬姜呷醋知咸淡。便是丛林过量人

上堂。拈拄杖卓一下云。迷时只迷遮个。复卓一下云。悟时只悟遮个。迷悟两忘。粪扫堆头。重添搥擗。莫有向东涌西汲。全机独脱处。道得一句么。若道不得。华藏自道去也。掷拄杖。下座

上堂。举同安察和尚云。喜醋鸣寒桧。心印是伊传。僧云何必。察云。众中有人在。僧云。同安门下。道绝人荒。察云。胡人饮乳。返怪良医。僧云休休。察云。老鹤入枯池。不见鱼踪迹。师云。动弦别曲。有唱有酬。其唱愈高。其和愈峻。其间郑卫之声。虽则杂然。五音六律。拍拍是令

华藏禅寺语录终

◎临安府径山兴圣万寿禅寺语录

淳熙四年。正月初七日。师在常州华藏受请。望阙谢恩毕。

捧

敕黄示众云。凤阙颁宣。群生耸耳。当阳拈出。匝地普天。唤回枯木龙吟。别是一壶春色。若也见得。皇恩佛恩一时报毕。其或未然。却请维那。分明宣过

拈疏云。诸佛说不到处。祖师提不起时。结角罗纹。语言三昧。尽从个里流出。辉腾今古。不堕断常。欲令四众共知。何妨重为说破

升座拈香。祝圣罢。敛衣就座。僧问。九重丹诏下云端。瑞气融融宇宙宽。拈出少林无孔笛。凭师吹起万年欢。师云。炉烟袅袅。瑞气盘空。进云。拶出虚空为福海。掇转须弥作寿山。师云。不为分外。进云。三圣道。我逢人即出。出则不为。人时如何。师云点。进云拶。师云。莫杜撰。进云。八字打开。师云。尔从那门而入。僧喝一喝。师云。几不问过。进云。兴化道。我逢人即不出。出则便为人时如何。师云。重言不当吃。进云。瞒和尚一点不得。师云。一任踈跳。僧礼拜。师乃云。至化无私。大千普应。皇恩广被。岩谷生春。雷动风行。龙骧虎骤。无量殊胜并集。恒沙妙义全彰。不历化城。直登宝所。宝所既至。遇缘即宗。法随法行。法幢随处建立。移身换步。物我一如。各各不相知。法法不相到。且全身奉重一句。作么生道。良久云。天上有星皆拱北。人间无水不朝东

入寺上堂。僧问。华藏海中张巨网。惯打鯢鲸。凌霄峰顶握钳锤。陶铸佛祖。而今炉鞴既开。一锤便就时如何。师云。漆桶生光。进云。恁么则和尚不妨好手。师云。莫相钝置。进云。僧问应庵和尚。远离光孝。来赴妙严。如何是不动尊。庵云。一别莲城五日程。意旨如何。师云。步步踏实。进云。既是不动尊。因甚却有五日程。师云。穿天下人鼻孔。进云。和尚远离华藏。来赴径山。如何是不动尊。师云步行。进云。昔日应庵。今朝和尚。师云。老僧不识应庵。进云。今日又争讳

得。师云。遭上座检点。僧礼拜。师乃云。未到此间。不妨令人疑着。及乎到来。依前门开八字。楼阁参空。走使文殊普贤。驱驰释迦弥勒。拈一放一。草偃风行。举一明三。目机铢两。如镜照镜。似空藏空。有佛处。敲枷打锁。无佛处。见兔放鹰。忽若总不与么。如何通信。良久云。云静日月正。雪晴天地春。

淳熙四年。五月初十日。恭奉圣旨。就景德灵隐禅寺开堂。皇帝遣中使。降赐御香。师谢恩捧香示众云。御宝亲封。君王颁赐。不是人间熏陆。亦非海外旃檀。持来价重娑婆。薰处为祥为瑞。光扬佛日。仰赞皇图。山河大地。发欢喜心。蠢动含灵。普熏正见。

判府安抚徽猷度疏。师接乃云。穷诸玄辩。若一毫置于太虚。竭世枢机。到底不离于正念。复呈起疏。召大众云。正念生也。且道其中事作么生。却烦表白宣读升座拈香云。此一瓣香。恭为祝延今上皇帝圣躬万岁万岁万万岁。皇帝陛下。恭愿圣明御极。膺万国之丕图。贤哲佐时。协千龄之庆会。此一瓣香。恭为祝延光尧寿圣究天体道。性仁诚德。经武纬文。太上皇帝圣躬万岁万岁万万岁。恭愿尧仁广被。舜德弥新。亿万斯年。永隆睿算。此一瓣香。恭为寿圣齐明广慈太上皇后。中宫皇后。皇太子。皇孙两宫天眷。庄严福算。恭愿寿山增峻。福海弥深。同明般若正因。共植金刚种智。此一瓣香。奉为参政相公。参政相公。枢密相公。枢密相公。判部尚书。判部侍郎。侍郎。中书舍人。舍人。捧香天使。都知太尉。御带太尉。诸位勋贵。判府安抚徽猷。都运敷文。文武百僚。同资禄算。此一瓣香。薰向炉中。奉为前住明州天童山景德。禅寺第十八代。应庵大和尚。用酬法乳之恩。乃就座。灵隐佛照禅师白槌云。法筵龙象众。当观第一义。师云。正令已行。千差削迹。佛佛从兹授手。祖祖于是相传。恁么会得。便乃高揖释迦。不拜弥勒。其或尚留观听。何妨致问。

僧问。正法眼藏。破颜微笑。密付饮光。涅槃妙心。三拜归位。独传二祖。一花五叶。遍界芬芳。当恁么时。的的相承一句。作么生道。师云。须弥顶上浪滔天。进云。大千俱捩聚。祖令正当行。师云。云从龙风从虎。进云。中兴此道。正在今时。未审和尚。将何祝圣。师云。常将日月为天眼。指出须弥作寿山。进云。恁么则舜日尧风无尽时。师云。满口道着。进云。世尊拈花。迦叶微笑。意旨如何。师云。车不横推。理无曲断。进云。世尊道。吾有正法眼藏。分付摩诃大迦叶。又作么生。师云。蛊毒之家水莫尝。进云。只如和尚见应庵。分付个什么。师云。一物也无。进云。争奈破砂盆何。师云。一人传虚。万人传实。僧礼拜。师云。切忌妄通消息

僧问。演第一义。提最上乘。会凡圣于飞来峰前。集人天于冷泉亭畔。把住则天回地转。放行则海晏河清。当恁么时。且道是谁家风月。师云。人人有分。进云。一片月生海。几家人上楼。师云。一句合头语。万劫系驴橛。进云。肃宗帝问忠国师。如何是十身调御。国师云。檀越蹈毗卢顶上行。意旨如何。师云。今古历然。进云。普光明殿上。拨转铁牛机。师云。此心能有几人知。进云。只如国师道。檀越蹈毗卢顶上行。还明得十身调御也无。师云。料掉没交涉。进云。今日忽有问径山如何是十身调御。作么生祇对。师云。垂手过膝。进云。大唐扶得真天子。曾蹈毗卢顶上行。师云。别是一壶春。僧礼拜。师云。只道得一半。师乃云。祖师心印。状似铁牛之机。去则印住。住则印破。不去不住。当头坐断。千眼顿开。明如果日。宽若太虚。不可以智知。不可以识识。人人具足。物物圆成。拈一机则千机万机顿赴。说一句则千句万句流通。譬如善舞太阿。一不触手。二不堕地。三不住空。又如狮子筋琴。抚之则群音顿绝。所以道。大人具大见。大智得大用。揽长河为酥酪。变大地作黄金。普令一切有情无情。不堕有为。不住无为。富